

თელავის მუნიციპალიტეტის გენდერული თანასწორობის  
საბჭოს სხდომის

ოქმი № 4

ქ.თელავი

07.08.2019

თავმჯდომარეობდა : ა. თხლაშიძე

სხდომას ესწრებოდნენ საბჭოს წევრები: არჩილ თხლაშიძე თამილა ბაწაშვილი, მედეა ჩაფურიშვილი, ელენე ღარიბაშვილი, გელა აზიკური, ლევან ლილუაშვილი, გიგა მამუკელაშვილი, მალხაზ ყურბანოვი, ზურაბ აბუაშვილი, ლელა მენტემაშვილი

დღის წესრიგი:

1. თელავის მუნიციპალიტეტის გენდერული თანასწორობის საბჭოს შემადგენლობაში საკრებულოს წევრის, ლელა მენტემაშვილის მიღება.
2. თელავის მუნიციპალიტეტის 2020 წლის ბიუჯეტის დაგეგმვის პროცესში გენდერული თანასწორობის საბჭოს ჩართულობის უზრუნველსაყოფად, გასატარებელი ღონისძიებების შესახებ.

მოისმინეს: თელავის მუნიციპალიტეტის გენდერული თანასწორობის საბჭოს შემადგენლობაში საკრებულოს წევრის, ლელა მენტემაშვილის მიღების შესახებ.

აზრი გამოთქვეს: საბჭოს თავმჯდომარემ არჩილ თხლაშიძემ საბჭოს წევრებს გააცნო საკრებულოს წევრის, ლელა მენტემაშვილის განცხადება გენდერული თანასწორობის საბჭოს წევრად მიღების შესახებ და წარმოადგინა წინადადება საბჭოში მისი გაწევრიანების შესახებ.

საბჭოს წევრებმა მოიწონეს აღნიშნული წინადადება.

გადაწყვიტეს: გენდერული თანასწორობის საბჭოს შემადგენლობაში საბჭოს წევრების მიერ, ხმათა უმრავლესობით მიღებულ იქნა ლელა მენტემაშვილი.

მოისმინეს: თელავის მუნიციპალიტეტის 2020 წლის ბიუჯეტის დაგეგმვის პროცესში გენდერული თანასწორობის საბჭოს ჩართულობის უზრუნველსაყოფად გასატარებელი ღონისძიებების შესახებ.

აზრი გამოთქვას: საბჭოს თავმჯდომარემ ა. თხლაშიძემ აღნიშნა თელავის მუნიციპალიტეტის 2020 წლის ბიუჯეტის დაგეგმვის პროცესში გენდერული თანასწორობის საბჭოს ჩართულობის უზრუნველყოფის მიზნით, წარმოადგინა ინფორმაცია საერთაშორისო კვლევითი ორგანიზაციის NDI -ის მხრიდან მეთოდოლოგიური დახმარების მზაობის შესახებ.

მედეა ჩაფურიშვილმა საბჭოს წევრებს განუმარტა გენდერული საბჭოს მხრიდან ბიუჯეტირების პროცესში ჩართულობის მნიშვნელობა და აღნიშნა რომ NDI-ს, როგორც უდიდესი გამოცდილების მქონე ორგანიზაციას, შეუძლია გადაამზადოს მუნიციპალიტეტიდან წარგზავნილი მოდერატორობის კანდიდატთა ჯგუფი, რომლებიც იმუშავენ წინასწარ შერჩეულ სამიზნე ჯგუფებთან მუნიციპალიტეტისათვის მნიშვნელოვანი და პრობლემატური საკითხების იდენტიფიცირების მიზნით.

მედეა ჩაფურიშვილმა წარადგინა მოდერატორობის კანდიდატთა სია, კერძოდ კვლევის ჩატარებაში მონაწილეობას მიიღებენ გენდერული საბჭოს წევრი მედეა ჩაფურიშვილი, მუნიციპალიტეტის საკრებულოს აპარატის თანამშრომლები სოფიო ოხანაშვილი და გიორგი ფარადაშვილი, ასევე საბჭოს წევრებმა გამოთქვეს სურვილი აღნიშნულ პროცესში ჩართულ იქნან სტუდენტებიც, განიხილეს თბილისის ივანე ჯავახიშვილის სახელობის სახელმწიფო უნივერსიტეტის სოციოლოგიის ფაკულტეტის სტუდენტის ნანუკა შერვაშიძის კანდიდატურა.

საბჭოს წევრებმა ხმათა უმრავლესობით დაუჭირა მხარი წარმოდგენილ კანდიდატურებს.

გადაწყვიტეს: 2019 წლის 19 აგვისტოს NDI-ის ორგანიზებით დაგეგმილ ტრენინგში, მოდერატორებად გადამზადების მიზნით მონაწილეობას მიიღებენ გენდერული საბჭოს წევრი მედეა ჩაფურიშვილი, მუნიციპალიტეტის საკრებულოს აპარატის თანამშრომლები სოფიო ოხანაშვილი და გიორგი ფარადაშვილი, თბილისის ივანე ჯავახიშვილის სახელობის სახელმწიფო უნივერსიტეტის სოციოლოგიის ფაკულტეტის სტუდენტი ნანუკა შერვაშიძე.

თავმჯდომარე



არჩილი თხლაშიძე